



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R.P. Francisci Arias, Societatis Iesv Theologi, De Oratione  
Mentali Et Mysteriorvm Vitae D.N. Iesv Christi &  
benedictae Matris eius meditatione**

**Arias, Francisco**

**Coloniae Agrippinae, 1616**

XVI. De exteriori reuerentia, humilitate & modestia, qua S. Communio  
sumenda est.

[urn:nbn:de:hbz:466:1-48934](https://nbn-resolving.org/urn:nbn:de:hbz:466:1-48934)

vitia perfectius expurgentur, poenae quas incurerat, remittantur, accepta beneficia recognoscat, in tribulatione solatium, & resocillationem inueniat, tentatio vincatur, & singulare aliquod gratiae donum acquiratur. Deinde cum attentione, reuerentia, fame, & desiderio ab amore proueniente, illuc se conferat, & quicquid cupit, obtinebit: quia hic est bonus ille Pastor, qui promittit, & dicit: *Venite ad me omnes, qui laboratis, & onerati estis, & ego reficiam vos.*

CAPVT XVI.

*De exteriori reuerentia, humilitate & modestia, qua S. Communio sumenda est.*

**E**T si interior animi deuotio, quae ad S. Communione[m] requiritur, praecipua sit, & tanto magis, quod illius exercitium ab interiori proficiatur; nihilominus tamen Deus etiam exteriorem postulat. Quapropter omnes illos defectus, qui committi solent, hic declarabimus, & oportuna remedia indicabimus.

*Quidam Deo seruire, & frequentes com-*

communicare cupientes, pretiosis & pulchris induti vestibus, ornamentis, & mundo eleganti, vultu & capite adornato, manibus chirothecis impeditis ad S. Communionem se conferunt; & vt melius statum suum tueantur, soli communicare, vel propterea locum ab alijs separatim eligere volunt. Hęc omnia debitæ huic Sacramento reuerentiæ atque humilitati, qua comparandum est, aduersantur. Ipsa reuerentia postulat, vt vestimento simplici, vultu modesto, manibus compositis ad hanc sanctissimam mensam accedatur. Nam si S. Paulus ad orationem solium faciendam id requirit, quātō magis in hac actione sacratissima obseruandum est? Humilitas vult, vt homo se indignum reputet, qui huius sacræ mensæ particeps fiat: secum cogitet, quemlibet communicantium meliorem loco hac in re dignū esse: admiretur & erubescat quōd ei minimus in hoc sacro conuiuiō concedatur. Nam si Dominus vult vt ad hominis mortalis mensam ituri, & terrenos cibos degustaturi, tanta cum humilitate accedamus, vt inferiorem locum eligamus: multō magis hęc humilitas obseruanda est, cum ad hoc sacrum epulum accedimus.

1. Tim. 2.

Luce 14.

dimus, vbi institutor ipsemet cibus est  
qui sumitur.

Alij etiam ad altare venientes, ni-  
mis vultum suum demittunt & te-  
gunt, nec os suum ea ratione, quæ ad  
sanctissimum Sacramentum suscipien-  
dum decet, aperiunt: Hoc fit, vt Sacer-  
dos S. Communionem porrecturus, in-  
mentum vel labia, aut aliam quampiã  
partem vultus offendat, hac ratione  
pars aliqua frangatur, & in terram cor-  
ruat. Perpendat ergo aliquis, quantus  
hic defectus sit: cum sub qualibet parte  
visibili, quantumuis exigua illa sit,  
gloriosum Iesu Christi corpus sit, tam  
integrum, tantaque cum maiestate,  
quantam in cœlo ac tota hostia obti-  
net. Quapropter vt omnia hæc mala  
evitentur, & decens gestus seruetur; o-  
portet, vt communicaturus, vultum a-  
pertum, directum, & quietum teneat,  
appropinquante Sacerdote silentium  
seruet: non enim tunc verbaliter, sed  
corde solum orandi tempus est. Eo au-  
tem momento, quo sacram hostiam  
suscipere cupit, moderatè os suum pa-  
refaciat, linguam ad labia vsque edu-  
cat, eaque benedictam hostiam exci-  
piat; quam nec frangere, nec dentibus  
conterere, sed relinquere debet, donec

H pau-

I. Cor. 14.

paululum humida euadat, atque ita modestè & reuerenter deglutiat. Nam si æquum est, vt bonum aliquod eternum opus benè & honestè fiat; quanto magis hoc, quod tam diuinum & pretiosum est, atque ad tantam Dei gloriam cedit. Ideò huc præcipuè D. Pauli sententia spectat, cum ait: *Omnia autem honestè & secundùm ordinem fiant in vobis.*

## CAPVT XVII.

*De modestia & quiete, cum qua ad S. Communionem eundum est: & de gratiarum actione, quam Deo post Sacramenti perceptionem persolvere debemus.*

**A**lius defectus est valdè notabilis, in quem plerique eorum cadunt, qui ad SS. Sacramèta frequenter accedunt, quòd videlicet nimia cum festinatione & inquietudine ad Altare properant: vix enim templum ingressi sunt; aut à Confessario recesserunt, quin protinus ad S. Communionem ire velint, & quod adhuc peius est, vix sanctiss. Sacramentum perceperunt, quin nulla quiete sancto cibo concessa, nullis gratijs hospitiæ celesti, quem susceperunt, persoluitis,